

安徽府縣志輯

中國地方志集成

同治六安州志(一)

中國地方志集成

安徽府縣志輯 ⑱

同治六安州志(一)



江蘇古籍出版社 ● 上海書店 ● 巴蜀書社

中國地方志集成

安徽府縣志輯⑮⑯

出版發行 江蘇古籍出版社

社址：南京市中央路一六五號

發行部電話：〇二五—三二二三四六二

郵編：二一〇〇〇九

印刷 上海市印刷七廠

定價 四七一元

責任編輯 王華寶

封面設計 范一辛

美術編輯 姜嵩

1998年4月第1版第1次印刷

ISBN 7—80519—975—2/K·454

續修六安州志序

歲庚午四月既望

臣峻

奉檄

代理六安直隸州事五月朔日接印視事首詢典吏索閱圖經闕然無以應也未幾李紳壽彰以抄本志

六安州志

卷首

序

一

書見示閱之乃嘉慶九年宋知州思楷所修者復云尚有道光四年吳訓導鳴鏞續修之本經兵燹難得全書夫二書皆著於承平之時盛世典章燦然賅備

而以今時證之所最不合

者田畝賦稅其大端也其

他廢者待修闕者宜補更

難枚舉夫援古準今稽考

得失錄功褒善都為一編

為有司者宜孜孜於是况

六安州志

卷首

序

二

重以大憲之功令而敢怠

厥事耶粵自同治七年署

理安徽撫院吳於十二月

日

奏請設局輯修安徽省志即

奉

俞旨

旋於省垣設局檄飭所屬各修志書以進將資土壤以成高匯涓流而入海迨八年秋撫院英履任勤求治理嚴明黜陟而於修志一事尤為隆重時吳署院

六安州志

卷首

序

三

還皖藩本任與按察司裕首道王督辦總局乃與各屬修志者約期限別勸懲蓋激厲風化之思深而陶成俗吏之意至矣羣僚奉職闢冗草心峻於抵任後

載稽舊案見前任所委纂修採訪各有其人奉上行下之文連篇累牘而司事者採輯寥寥端緒未就峻繼其事以圖厥成乃易其規而暨其實推原所以然

六安州志

卷首

序

四

之故乃知才學識三長難備而秉筆之難其人也維時州學吳訓導康霖品學純粹為江左之名孝廉自同治二年到任佐前州何課士講學教澤綦深峻在

前徽備觀覽書將告竣峻
以代理期滿去官繼任者
李知州蔚於九年十二月
日接篆書局諸人疑有新
令橐筆以俟迨新任蒞局
核其本末進諸人而謂之

曰丈已脫稿而期限已逾
使因更張而有廢擱咎將
誰歸諸子何事謙讓而不
速為聞者唯唯而退濡毫
視簡各事其事至十年四
月日而書成將以獻之省

局司事者屬峻敘其原委
乃省支辭祛華說即事而
直書之時

同治十年歲在辛未四月
上浣前代理六安州知州
王峻謹敘



新脩六安州志序

世稱唐虞五臣惟皋陶以刑官而不有天下祀亦勿延六蓼在春秋初即見并於楚今之六安蓋其故地是說也不知天尤不知聖虞廷總師之始禹所謙讓未遑者特惴惴於皋陶之降德稷契弗與焉益無論矣聖人之心本無所利於

六安州志

卷首

序

天下天之報施聖人初不以天下之有不有為厚薄論聖人者又豈必以天下之有不有為升降哉聖人進四海為一家即合萬世為苗裔其流風餘澤惟以振起後之人俾禋祧於罔替而不必自私其子孫而產其舊封者遂若援以自重慨然興遠宗遐紹之思馨香俎豆

如或見之則其所嚮慕者素也同治十年春蔚承大府命權牧是邦蒞事之暇周歷山川延訪耆舊因得悉其民風土俗敦本崇約蓋猶有上世遺意焉時大府檄脩州志甚急乃檢嘉慶九年長洲宋君思楷所脩州志三十二卷日與州人士旁摭博採稽文質獻析類而續纂

六安州志

卷首

序

二

之共得六十卷體惟從舊事務徵實不敢擴摭傳會侈為美觀蓋以志之為書將使生斯土者有所觀感官斯土者知所從事非苟焉揚厲而已也皋陶之謨曰慎厥身脩思永惇叙九族士庶之與帝王其分異其學同也曰在知人在安民州縣之與天下其勢殊其事一也誠

使是邦承學之士毅然以脩身惇族自勵而來牧者亦切切於知人安民之方則九德之彰度績之凝焜耀史冊直與聖謨相輝映何莫非是書導之先路也哉抑更有為州人士進者蔚權此甫二年而兩校羣士總其秀者文藻詞章斐然可誦而經世之學或疏思樂之五章

六安州志

卷首

序

王

曰矯矯虎臣在泮獻猷淑問如皋陶在泮獻囚古者寓武於文寄刑於教整軍戡亂折獄平訟之略皆於學校夙講焉者也頃者粵逆肇旣以來州之一二先達皆能仗義執言振旅興師削平寇亂為

天子陳臬齊楚聲績著中外而閭里膠序之

俊應運而起宜益勃興淬礪蚤夜切劘相與為有用之學一旦出其所藏煥為事業奮武以止戈致海內於刑措使天下共覩真儒之實效斯河山賴以增重而古聖陟降之靈亦樂歆其禋享庭堅之祀雖至今不絕可也蔚生長邊徼普學寡文幸履古聖之遺域故始終舉以

六安州志

卷首

序

四

為義而所期於州人士者獨厚且奢若夫作志之法先民論之綦詳今所續者其大綱具於例言茲不概論同治十一年秋七月六安州知州武威李蔚序



壽稱善敘述李延壽稱悉舊事而志獨略焉蓋繁則冗簡則漏溢美則虛徇情則私以是知修志之難也按古志重修於道光甲申迄今距四十年矣前者六城失守一時人士發忠憤舉義旗斬竿削木聚練櫻城出萬死

六安州志

卷首

序

三

不顧一生之計冒白刃爭死敵以徇國家之難者不知凡幾尤可愾者烈女殉節貞婦捐軀其厄於歲殺於寇而舍生取義不聞知者又不知凡幾今其人雖死其鬼尚靈為是志者忍使忠魂義魄中慟完人與塵埃野馬

同沒於荒煙蔓草中而湮滅不傳耶爰懷於是視舊志特加詳焉若夫仲丁釋菜禮節燦然祭品舞樂度數昭然舊志頗多缺略因謹遵大清會典繪圖增入以存典禮之大至若儒林文苑義行孝友宦績諸門凡

六安州志

卷首

序

四

鄉先達之德言功烈得之見聞者故老猶能言之南幽先紀實行善後長實此邦士君子編校之力也他若藝文之志則仿班馬史及歷史之例分四部以載之然搜求遺佚往以風儒名宿著作等身昔有藏稿遺

書而今悉付之賊氛一炬者霖誠惜之
由是山川星野則因舊田賦戶口則因
時秩官選舉則因人外此若公署壇
廟凡經廢毀而未及興修者則闕之
抑又官此方與此方士大夫善後者之
責也凡五閱月稿成命書人繕寫成帙

六安州志

卷首

序

五

呈送省局而告成焉都人士復謀之劑
剏付梓於去秋迄今夏鐫板書成共
析為若干卷而屬霖序霖自維謏陋極
知僭踰猥以共襄此役獲與都人士聞
揚保美蒐輯舊聞以備
熙朝一統無外之規以彰

國家善俗宜民之盛其得謂非霖之
幸乎執爰敘願巔末並誌歲月於簡
端時同治十有一年歲在壬申夏季
教諭銜管六安直隸州訓導事涇
上吳康霖謹敘



六安州志

卷首

序

六

諭序

六安往無志頃歲志之志而未成也成於南嶽來守六之明年先是甲寅春南嶽始奉命抵其境載瞻諸鎮流盼山川周察形勝遂作而歎曰美哉山川之固畿輔之雄也既入其治莅其署按厥州譜邇厥疆域復作而歎曰美哉翼翼乎夏封之舊也明日謁學宮徧祀典諷風俗訪人才求忠義以事神人又明日視城池繕武備考食貨以稽兵食又既閒覽藝文以存表章按職制徵循良以觀尙友辨分野察祲祥以興民事覈厥庶典咸既

六安州志

諭序

一

乃心卽有曠墜詢諸儒衆僉曰諸苟完無已郡史闕乎南嶽惻然用懼亟請諸鄉先生邱公次皇潘公萬渠二公乃不鄙進之曰往六志伊始越湖邵公而未備繼事木山鄧公而未成都厥美用底乃績是在大夫南嶽再拜謝既授冊載讀之咸厥書質諸始覽罔不協彬彬乎成典也犁然就緒矣復再拜曰南嶽何幸際茲盛美也往大夫暨二君徼福於南嶽腆矣敢不敬承之遂謀諸同寅陳君邦寵暨幕君張子賁各捐俸命書史書圖史圖梓八梓三越月告成焉返命二君二君曰大夫盍弁

辭哉南嶽謝不敏已乃言曰今之志古史也今之州郡

古侯國也古者列國皆有史自乘檇杌國語先後春秋作而史繁自遷史上達諸古初固史斷自漢紀以著代而志始專史家之一目嗣是郡縣皆得以專志者史之餘也凡山川人物風俗政教係焉述往以昭來也存制以經政也顧爲典亦重矣雖然未志患弗文之既志患弗行之是志也公而明精而核華而不紕有聖人之心我往大夫既二君其選矣後有作者不可尙已顧職守是冒南嶽庸無懼哉何也山川志矣形勝志矣守維艱

六安州志

諭序

二

也州譜志矣公署志矣疆域志矣政維艱也祀典學校志矣風俗人才志矣神人之和維艱也城池武備志矣食貨志矣兵食之足維艱也志天文祲祥曷以感通之志藝文曷以表章之志職制循良曷以踵承之故曰志也者制之存也政之經也凡以責之職守也否則封域古矣不稱於今茲文事具矣或虧乎政本往哲盛矣罔昭乎來賢無志也亦無政也無政也亦無志也諸執事其何以匡不逮無俾爲是志羞乃二君復惠顧曰雖無老成人尙有典型是之謂矣願大夫無忘茲厥志遂再

拜請書之用以自詔亦以詔來者

嘉靖三十四年歲次乙卯中秋日

賜進士出身奉直大夫知六安州事新建喻南嶽頓首

書

李序

余被命來六訓風考政周覽山川進博士弟子員於庭
圖所以興廢舉墜釐弊飭紀以嗣臯陶之音奏明允之
績以贊我國家樸棫右文之化效臣子稱塞萬分之一
者懼於不敏蚤作夜思蓋三年於茲矣幸封內無水旱

六安州志

李序

三

疾疫之災無盜賊微發之警民力田疾作輸納以時庶
幾人給家足余亦藉是苟免無罰斯皆道化之翔洽太
和之漸被猗歟休哉夫奉天子之德意勞來不倦令民
無天傷物無疵蠶者有司之職也際熙明之運被翔洽
之澤而不能歌咏盛德發抒廟謨成一方之典章爲當
世所快觀者亦諸文學之羞也乃謀諸鄉先生暨諸博
士弟子員取舊郡志而參閱之則或條序失次或覓求
罔真缺者宜補後者宜續諸如此類非亟爲改圖使曠
然易砥亦一郡之闕典有司與文學均有責焉維時共

殫厥心稽成憲詢老成考圖經訪遺佚參互考訂凡四

閱月而新志成焉余乃得諫意覽之作而歎曰是六州

乃南都之支郡而南都又京師之陪輔也皇朝一統之

盛度越千古載籍所未睹者安用此彈丸者爲也然古

者列國有史以爲始於春秋非也今郡邑有志亦國史

之舊者夫太史氏紀其綱郡縣志其詳辟衣之有袪不

袪非完衣也人之有眉目毛髮不眉目毛髮非完人也

則是志亦未可少者吾以爲志有五善焉爲政者知其

務觀風者采其俗作史者覈其實立言者綴其文尙友

六安州志

李序

四

者論其世夫古今異宜得失異軌吾以此觀政則因革
損益輕重緩急斟酌之弛之張之要以使民厚生用
利而德正則一按籍而方畧具矣夫俗奢示以儉儉示
以禮豈惟天下然哉昔賈生薄俗吏謂使天下回心而
嚮道非俗吏之所能爲夫吏誠觀風采俗風之以道德
先之以孝弟民其有不相視顧化者吾未之聞也夫史
垂鑒戒紀實錄豈不欲燭及幽隱采及奧潔哉今無論
其顯者卽窮閭下戶一行可稱一節可述必書其名氏
邑里之所在而否德者雖貴多資無取焉則華袞鉄鉞

固炳炳然在也夫自昔名公偉人詩客文士其華章瑤什至巨麗也以闢聖真則見知者揚其休以贊皇猷則謨明者昭其烈姑勿論已其它商榷理道發行性靈翊風教關民瘼彰國典煥人文何言人人殊而代不乏也夫高山仰止景行行止吾人誦法孔氏而邇厥所自非唐虞一廷授受哉則邇種德者士師也至夫仗節死義以身殉社稷者讀其書想見其人猶凜然有生氣吾以此思忠而何職業之弗就也至夫終身孺慕篤愛因心甚者刳股廬墓雖非中庸而至誠所感猶足動鬼神乎

六安州志

李序

五

草木吾以此思孝而何名行之弗全也至夫貞女嫠婦或從容而身名俱全或慷慨而貞節不虧剛烈逾於男子而風概比之古人吾以此思節又何綱常之不可負而肩也至夫一節一行集之以大成文之以禮樂即聖賢可學君子猶有取焉然則茲志也雖無當於政不可謂非政之一事也雖無當於史不可謂非史之一義也且也聖治方新和氣充塞將天示其精地效其靈人發其秘於以光照典冊輝映後先又非是編所能盡者將大書特書不一書其尙俟之來哲云

萬歷十二年甲中秋七月朔溫陵李懋檜書

王序

六封肇於夏六安之名起於漢而爲州則始于元其有志也初成於嘉靖間州守喻南嶽重修於萬歷間州守李懋檜也

今上御極之十二年用閣臣請將修大一統之書

勅取天下志前守吳世顯奉行彙集忽值逆藩傳變羽書旁午斯舉因以中止丙辰冬

善奉

命知州事履虞士師之世守而想慕其餘休意必有與

六安州志

王序

六

高山流水並承於方策間者爰諮於薦紳博士求所謂六安州志則藁矣而未就也至勝朝紀載已盡流氛一炬中惟徐考功曾得一部於邗江書肆爲今日徵信之資然披覽之際期以光大典示來茲者殊多遺憾夫帝王以一代之事考鏡治理而有史州郡以一方之事證古今而有志志與史分體而合用者也六自仲甄錫土沿及歷代運會屢更雖頗見於史傳而專乘之掌故無聞至明中葉始撰羅志之啟正以降寇燹兵燹幾無遺孑何有於志幸我

官風俗寓五禮之修褒貶竊春秋之旨所以藉往蹟以鏡來業不僅屬之具文也延會昔宰義烏纂輯邑乘咸本遷固史家遺意務在求治化之原發古今之覆更取前人文集可爲要典者附入之期無一事之不確無一善之不彰而後已而於六安有難言者網羅未備文獻闕如掛漏遺譏浮夸失實以求備當代之掌故不幾難乎蓋六爲揚州之域肇自夏封控英霍接蘄黃扼吳楚連淮蔡既屬名州亦稱巖邑往者流氛屢犯廬井蕩然前志修于吳君世顯嗣修于王君所善闕紀載者迄今

六安州志

王序

九

十八載矣余承其後雖山川星野依然無改而時移事異其間戶口之耗者稍殷矣田野之荒者日闕矣風俗之澆漓仕宦之登進亦月異而歲不同矣可等於茫茫墜緒乎延會自守六以來卽欲進州之人士蒐討斯典以諸務未能肅給姑少族之今幸百度漸舉事理訟平適值府憲古燕張公編纂府乘成爰檄各屬以次舉行余因萃州之紳士博採野謀廣據遺逸凡山川歲時物產等類無煩更定至風俗以辨人心經制以昭憲典賦稅以資國用以及宦蹟人物之騰聲詩賦藝文之嗣響

十有八年之間紛綸歲裝俱宜詳加纂定依次補葺然與其繁也甯簡與其濫也甯核甯峻拒以招尤毋博收以掠美凡今之異於古與今之繼乎古者或因綱以總敘或逐目以條疏折衷羣言訂以獨斷期於傳信而止顧志與史亦微有異者史則美惡兼綜志惟揚善蹟故凡兵燹屠戮之慘僅錄之雜記以紀一時之事不別爲一卷閱半載而告成以貽後之司土者庶幾念山邑之凋敝恒多建設之經營不易賦稅無容繭絲人才勿致零落無胥虐無胥戕有以養有以教其更化之一機

六安州志

王序

十

乎爰付之剞劂以垂永久云

康熙三十八年歲次己卯余月穀旦

誥授奉直大夫江南廬州府六安州知州加二級會稽

王廷曾題

李序

皇上御極之二年允封疆重臣請置直隸州任比郡守

丙午冬懋仁隨班領選

皇上命各陳居官吏治懋仁謹以清遠裕課靖盜安民

敬獄息訟三事奏對稱

旨命爲六安州牧維時寵眷自天戰兢無地至卽黜臺
役剪訟師緝盜安良整頓士習既稍有次第卽思將所
革弊端所移積習所行屬邑科條一一筆之於書爲直
隸州更始奈公事旁午丁未秋又蛟水爲災往來勘賑
弗遑及此比年歲慶豐稔一州二邑間民勤耕稼士崇
氣節皆以禮讓相先無復詭訟逋賦風俗可謂淳矣紳
士適以州志請余念此固其時然修志良非易事志與
史相表裏所以識因革備制度昭法戒必明乎春秋之
旨而後可以作史亦必究諸史之蘊而後可以作志余

六安州志

李序

士

昔在一統志館粗識體裁義類是用發凡起例開局纂
修公務稍暇細加考訂大都於州邑舊乘可者因之舛
者正之遺者補之闕者闢之新者續之浮者斥之複者
省之疑者闕之歷半載而告成顧是役也非徒博綜潤
色僅侈觀美已也將使州邑士民對簡策而思齊畏月
旦而知警庶於風教有裨乎六先正僉憲潘公之言曰
事有若迂緩而實切於政務者郡志是也殆信矣夫
雍正七年歲次己酉孟秋月上浣之吉

誥授奉直大夫知六安州事加三級紀錄四次南昌李

懋仁謹書

金序

六之乘修自雍正己酉知州李懋仁顧其時計速成因
舊者十三四迄今閱星霜更二十有畸因循是徂將舛
於前者愈難理而起於後者浸荒忽矣宏勳自丙寅奉
命來牧茲土慮前之爲是役者不潰于成而越歲且久
也卽思更定之顧事之繁者攢相迫弗遑及書院造士
地有其朔必謀其繼貲弗贏膏則竭矣宇弗擴望者沮
矣而學宮尤教化之原也壞弗治道曷以光城隍不虞

六安州志

金序

主

備類弗整民曷以衛三四年間旣次第以舉己已長夏
案牘稍清方注意斯事適

制府黃公檄行郡邑命各以時修輯無俾闕遺且示以

嚴去取關勸戒重捉筆者宏勳益復矜心不苟訂譔芟

蕪罔顧嫌怨以人物之易濫躬自覈訪不爲異人任事

未半而中丞衛公以皖江潁水之乏令權越樽俎追還

篆以上計詣京師比返則以

天子巡幸南邦分得効奔奏車馬之間忽忽逾望舒二

十盈虧今年夏回署乃重理斯役又四閱月歲事夫志

因其舊若余復有舛誤不當者固當俟後之君子爲余正之

嘉慶九年歲次甲子黃鐘月 日

誥授奉政大夫安徽直隸六安州知州前署潁州府知府長洲宋思楷撰

牛序

郡邑有志以核疆理考古今凡星野山川城池鄉鄙田賦物產戶口風俗職官學校祠祀武備關津郵傳及先賢耆舊忠孝節烈可法可傳藝文足備掌故者咸錄於

六安州志

牛序

五

篇其有傳疑附以備考仿於國史與教化厚風俗之義寓焉六安卽古六國奎於今

天子龍飛元年來牧是土首閱志書知自前次修訂之後迄今幾二十年其間節孝選舉與凡嘉猷懿行所以維持風俗者深懼其湮沒屢欲採輯而未逮壬午冬湘中 陶大中丞奉

命撫皖政教風行以江南通志久未修輯且無安徽專志因開局於皖會飭郡縣各修厥志以呈遂集邦人而共計之僉以六志舊本頗善復修於嘉慶甲子至今癸

未若干年內節孝選舉各條查案增訂另爲一卷附於

前志之後足備採擇議方定而奎奉檄權潁郡秋季始

歸簿書率因屬萬司馬吳廣文共集其事今甲申春

二月再權汝陰儼裝之時功未及半迨五月中旬續訂

告成寓書索言竊喜二十年來文獻可傳者蔚然有攷

呈之省局且將附通志之後不失興化厚俗之義也而

司馬廣文之精敏亦足多矣爰識其緣始如此

道光甲申五月既望

署潁州府事六安直隸州知州梗陽牛映奎謹

六安州志

牛序

六

六安州志卷之一

凡例

一州志創於前明嘉靖乙卯本萬曆甲申本皆非完編我

朝一修於康熙辛酉再修於己卯三修於雍正己酉以州升直隸始並載英霍乾隆己巳嘉慶甲子又兩修焉及道光戊子重修其時舊板完好纂輯者依類續若干板片於後標爲新增故竣工尤速迨咸豐間兵燹燬廢憲飭重修乃多覓舊本核其體例

六安州志

卷之一

凡例

一

與現頒條類較有不同茲特改從新例

一志中遇抬頭處謹遵四庫全書例頂格平抬

廟諱

御名並從敬避

一考證沿革釐訂典禮前志綦詳今仍其舊惟食貨

學校武備兵燹後間有變更悉查成案續入

一自道光八年至咸豐十年屢奉

恩詔緩徵調賑兵燹後舊案無存不免罅漏又節孝奉旌未建坊者或後裔式微轉徙零落無從采訪者亦恐

尚有遺漏統俟查明再爲補入

一職任得稱名宦崇諸祠祀必由輿情斟酌至當詳請允行鄭重與鄉賢等其未盡入祠者舊例得並列志乘道光間賢守如劉公耀椿金公石聲牛公映奎皆嘖嘖人口第兵燹後文獻無徵莫由臚列近惟金公寶樹死事忠節在人心目特表出焉

一舊志無儒林一門考先輩學行堪移入者儘多第前人久經論定分別於文苑篤行中今時代既遠未便意爲輕重移掇紛紜僅就此次送到節略登

六安州志

卷之一

凡例

二

載數人

一舊志載有贈封廕襲爲新例所無今並附仕籍後其雜儀爲禮典攸關戚畹封系亦本地故事均未便裁汰附入雜類志中

一舊志篤行後附以義舉今只標爲義行一門自宜改舊歸新以符現例第篤行則統終身義舉惟系本事較有輕重未便概同故標目從例而以篤行義舉分注於下

一舊例現存之人不書惟選舉仕籍節孝得以紀載